

公廨一從多處給其不給公廨混合正稅至有損之年不必拘多處但陸奧國守兼任中國者特優其身不在此限者中納言兼左近衛大將從三位藤原朝臣基經宣奉勅依請

貞觀十年六月廿八日

遙授兼任公廨

〔延喜式二十六主稅〕凡諸國一分已上遙授兼任之輩遷任他國并京官者不得受用公廨若停任官符未到

之前處分已畢有妨改帳者便加國儲

〔政事要略二十七年中行事〕十五日〇十奏給位祿文事

應勘會公文參議遙授兼國公廨位祿季祿事

右得參議正三位行左兵衛督兼皇太后宮權大夫美濃權守源朝臣時中等去年十一月廿七日奏狀稱謹案兼國之起爲潤恩澤所被拜任也而今國宰等寄言左右無心充行徒有遙授之名然少受用之實是則依無勘會之文便致牢籠之計而已望請被下宣旨於所司准之封戶以返抄勘會公帳國司縱有臨時申請永停越訴將塞他用然則虛無之詞日斷徵俸之數自全不勝憤傷之催俯仰天裁者左少辨源朝臣扶義傳宣左大臣宣奉勅伏請者

永祚二年二月廿二日

左大史史忠信奉

應准參議申請例左右近衛中少將遙授公廨并位祿季祿永以返抄勘會公文事

右得從三位行右近衛權中將兼尾張權守藤原道綱卿等去年十二月三日奏狀稱謹案事情預兼國之者以近衛次將爲先是則遠近之役勝於他之故也而其公廨等國司不敢辨行遙授之名徒殘受用之實已稀望請被下宣旨於所司以返抄永勘會公帳國宰縱有臨時申請更停越訴將全徵俸矣者左少辨源朝臣扶義傳宣左大臣宣奉勅依請者副本解

永祚二年二月二十三日

右少史肥田宿禰維延奉

應依官符以各請文勘會公文紀傳明經明法算四道博士等兼國公廨位祿季祿事